

Si Hesus usa ka tawo, nga gimahal ug gitahod sa bilyon-bilyon ka mga tawo sa tibuok kalibutan, piru adunay dakong kalibog sa naglibot kaniya. Ang mga Muslim ug Kristiano susama nga hataas ang pag-ila' nila ni Hesus, piru dili susama ang ilahang panlantaw o pagtuo ni Hesus.

Ang tumong niining basahona nga ipatin-aw o sutaon ang mahitungod ni Hesus: Kung siya ba Dios o Sinugo sa Dios? Kinsa man ang tinuod nga Hesus?

SI HESUS ISIP DIOS DAW

Ang Kristiyanismong pagtuo nag angkon nga si Hesus "Dios" o adunay parti sa tulo ka persona sa Dios (Trinidad), ug ang Dios lawasong tawo. Piru matod sa Bibliya, si Hesus gipanganak, mukaon, matulog, nag ampo' ug adunay limitasyong kahibalo. Ang mga Kinaiya sa Dios hingpit, piru ang tawo dili. Unsaon nila pagka susama kung ang ilahang kinaiya managlahi? Ang Islam nag tudlo' nga ang Dios hingpit. Ang mutuo nga ang Dios nahimong tawo isa kana sapag angkon nga ang Dios dili hingpit. Pwiding ipangutana sa isa ka Kristiano, 'Ang Dios nga kaniadto isa ka bata nga walay kaya, nga dili mabuhi kung walay pagkaon, ilimnon, o katulog, susama ba o pariho sa Dios nga nahisgotan sa karaang Testaminto? Insakto nga dili! Muingon usab ang uban, "Kung ang Dios makagagahom, kaya usab niya nga mahimong tawo?" Ang Dios Dili mag mogna sa bulohatong dili maka Dios o bisan unsa mang bulohaton nga dili kinahanglan o sakop sa Dios. Kung ang Dios nahimong tawo ug aduna siyay kinaiya sa pagka tawo, nag buot pasabot nga dili na siya Dios. Adunay mga dili tin-aw nga birsikulo sa Bibliya nga gituohan sa mga Kristiyanismo nga si Hesus adunay kinaiyadong pagka Dios. Piru kung lantawon sa insakto ang mga birsikulo sa Bibliya, atuang makita nga si Hesus dili mulabaw sa pagka Dios. Ang Bibliya adunay pagpamatuod nga si Hesus nag ingon ug nag litok nga siya ug ang Dios dili gayod sila susama, ug silang duha manag lahi:

[Mateo26:39] si Hesus "nag Hapa ug nag ampo". kung siya Dios, ang Dios ba muhapa ug mosimba? Ug si kinsa manpud iyahang gisimba?

[Mateo21:10-11] Si Hesus gitawag sa Bibliya isip isa ka Propheta, unsaon man pagka Dios sa isa ka Propheta?

[Juan 14:28] Si Hesus nag ingon, "Ako muadto sa akuang Amahan, tungod kay ang amahan mas labaw pa kaykanako". [Juan 20:17] Si Hesus nag ingon, "Ako musaka sa akong Amahan, ug sa inyong Amahan, sa akong Dios ug sa inyong Dios." Kung Dios si Hesus, nganong nag ingon man siya nga "sa akong Dios ug inyong Dios?"

Kung Dios si Hesus nag sulti unta siya sa mga katawhan nga simbahon siya, ug kinahanglan nga adunay birsikulo sa Bibliya mahitungod niini nga gipamulong ni Hesus sa orihinal nga kasulatan; peru gawas niini binaliktad hinuon ang atuang mabasa: **"Ug walay bili ang ilahang pag Simba nganhe kanako." [Mateo 15:9]**

ANAK SA DIOS DAW

Giingon sa ubang mga Kristiyanismo nga si Hesus anak sa Dios. Unsa ba gayod ang ibuot pasabot niini? Sapagka tinuod si Allah ﷻ wala gayod nag baton ug anak. Ang anak sa tawo gitawag ug bata. Ang anak sa Karabao tawgon ug nating Karabao. Unsa manpoy itawag sa anak sa Dios?

Ang pulong nga anak sa Dios isa ka sumbingay, kini gigamit sa Bibliya nga nag hisgot sa mga tawong "matul-id, duol sa Dios". Kini gigamit para ni Propheta David, Solomon ug si Israel (Hakob): "Ug imuhang i sulti ni Paraon, mao kini ang giingon sa Dios, Ang Israel maoy Bugtong nakong anak. [Exodus4:22]. Ug matud sa bibliya "Ang tanang gigiyahan sa Dios sila mga anak sa Dios." (Roma 8:14)

"Ug dili mahitabo para ni Allah, ug dili apil sa iyahang pagka labawng makagagahom nga siya maka baton ug anak. Himaya ug ka hingpit sa Allah." [Qur'an 19:35]

ANG AMAHAN UG ANG DIOS

Ang pulong Amahan isip pag hisgot sa Dios dili usab literal, kini isa ka Sumbingay. Isa ka paagi sa pag tawag sa Dios isip Magbubuhay, Tigmintinar ug pinakataas sa tanan: Atong mabasa sa Bibliya: **"Isa ka Dios ug Amahan sa tanan, nga siya ang pinaka ibabaw sa tanan, ug naa sa tanan. [Efeso 4:6]**

Si Hesus matud sa bibliya gitawag usahay ug 'Ginoo' sa iyahang mga dicipulo. Kini gigamit sa Dios o sa mga tawong adunay taas nga rangko. Sa karaang Testaminto sa Grigo, ang pulong nga 'kyrios' pariho nga gigamit sa 'Ginoo' ug sa tag-iya sa ubasan, **"Ug ning abot ang kahapunon, giingon sa Ginoo sa ubasan sa iyahang sinaligan, tawga ang mga tarbahanti..." [Mateo 20:8].**

Sa ubang parti sa Bibliya, si Hesus gitawag ug Ulipon sa Dios sa iyahang mga Dicipulo:

" Ang Dios ni Abraham, ni Isaac ug ni Hakob, Ang Dios sa atung mga Amahan, Gihimaya ang iyahang ulipon nga si Hesus..." [Buhat 3:13]

Daghang pag patin-aw mahitungod sa makalilibog nga asoy nga may kalabutan sa rangko ni Hesus ug sa Dios, nga naghatag ug kalibog ug wala nag hatag ug kalipay sa Katawhan. Piru adunay dakong handurawunon: Nganong kinahanglan man sa Dios nga himuon kinig lisod masabtan? Hain man ang insakto? ang makalilibog nga hisgotanan niini, o ang Sayon lamang, tin-aw ug hapnay nga kadtudloan sa Islam bahin sa Dios?

SI HESUS ISIP PROPHETA

Sa pagtuong Judaismo, si Hesus gisalikway Isip Misayas. Samtang sa Kristiyanismo si Hesus gisimba isip Dios, o anak sa Dios. Sa Islam, si Hesus giila nga dungganong Propheta ug sinugo sa Dios ug siya isip Misayas, piru wala siya gisimba sa mga Muslim tungod kay ang pag-simba igahalad lamang sa Dios nga siya ang nag buhat ni Hesus ug sa tanang mga Binuhay.

"Si Hesus nag Sulti,...'ako ulipon lamang ni Allah. Ug gipadayag niya kanako ang balaang Libro (Ebanghilyo) ug gibuhay niya akong Propheta." [Qur'an 19:30]

KATINGAD-ANG PAGPANGANAK

Matud sa Qur'an, si Anghel Gabriel gisugo ni Allah ﷻ nga muadto ni Maria, sa pormang tawo, ug gisulti ni Anghel Gabriel ngadto ni Maria siya (Maria) makabaton ug anak nga lalaki.

"Si Anghel Gabriel nag ingun: "Ako isa lamang ka sinugo gikan sa imuhang Ginoo, sa pag pahibalo kaniyo sa isa ka halangdong anak nga Lalaki." Si maria nag ingun: "Unsaon man nako pagka baton ug anak nga Lalaki, nga wala may lalaking naka hikap kanako ni naka-hilabot kanako?" si Anghel Gabriel nag ingun : " tinuod kana (kini mahitabo) ang imuhang Ginoo nag ingon: Kini sayon lamang kanako; ug siya amuang himuong sinyalis para sa mga katawhan ug ang kalooy gikan kanako." Ug kini ang panghitabo nga gika takda na". [Qur'an 19:19-22]



Ang ubang mga Kristiyanismo nag ingon nga si Hesus anak sa Dios tungod kay siya gianak nga walay amahan. Piru duna pay nauna kaniya kini walay lain kundi si Propheta Adan, nga ning but-ho aning kalibutana nga walay amahan ni inahan. Giingon sa Allah ﷻ:

“Sa pagkatinuod! Ang susama ni Hesus sa panglantaw ni Allah susama ni Adan. Siya iyahang gibuhit gikan sa Lapok, pagkahuman ang Allah nag ingun:” “Kun (Mabuhat) ug nabuhat gayod.” [Qur’an 3:59-60]

Kung si Hesus gisimba tungod kay walay amahan, si Adan masdako ang katungod nga simbahan siya tungod kay wala man siyay amahan ug inahan.

KATINGAD-AN NI HESUS

Si Hesus, katingad-an nga walay amahan ug nag buhat sa dakong timaan ug katingad-an sa pirmiso ug pagtugot lamang sa Allah ﷻ. Si Hesus nakig istorya sa iyang pagka puya arun panalipdan ang iyahang inahan batok sa pasangil sa mga katawhan sa pakighilawas. Siya mibuhi sa patay, giayo ang sanglahon, gipabuka ang mata sa buta sa pirmiso ug pagtugot sa Allah ﷻ.

ANG MINSABI NI HESUS

Ang mga Propheta susama ni Abraham, Nowi, Moises ug Honas wala gayod nanudlo’ nga ang Dios apil sapagka Trinidad, ug labawng wala sila ningtuo nga si Hesus ang ilahang manluluwas. Ang mga minsahi sa mga Propheta nagkahiusa: **“Walay laing Dios nga angayang simbahan o ampuan gawas lamang sa Tinuod nga Dios nga mao si Allah”.**

Ang Dios nag padala sa mga nahaunang Propheta nga adunay susamang minsahi, ug paga-usbon lamang sa kalit, mosulti nga siya apil sa Trinidad, ug muingon nga si Hesus Dios ug manluluwas! Sukwahi kana sa mga katudluan sa mga Propheta. Si Hesus nanudlo’ sa minsahi susama sa mga nahaunang Propheta. Adunay Birsikulo sa Bibliya mahitungod niini, **“Si Hesus ning tubag, ang nahaunang katudluan mao kini, Magpatalinghog ka o Israel; ang Ginoo nga atung Dios mao ra gayud ang Ginoo.” [Markus 12:28-29]**

Ang tulomanun ni Hesus sa katudloan sa Islam, nga si Hesus gisugo ngadto sa Israel para pamatud-an ang mga minsahi sa mga nahaunang Propheta ang pagtuo sa nag inusarang Bugtong Dios.

“Sapagkatinuod ang Allah siya gayod ang akung Dios ug inyong Dios busa Simbaha Ninyo si Allah (nga nag-inusara) mao kanay matul-id nga dalan.” [Qur’an 43:64]

Isip halangdong sinugo sa Dios, si Hesus nagasunod ug nag surindirar ug nagpailalom sa kabobot-on sa Dios. Maong siya isa ka “Muslim” ang pulong Muslim nag hisgot sa bisan si kinsa o unsaman nga nag Surindirar ug nagpailalom ug nag sunod sa kabubut-on sa Dios (Allah).

SI HESUS SA ISLAM

Si Hesus isa ka Propheta nga gipadala para mag-imbatar sa mga katawhan arun Simbahon ang Bugtong Dios. Kini naka sulat sa Bibliya ug sa Qur’an. Gipatin-aw sa Islam ang tinud-anay nga rangko ni Hesus, samtang nagpabilin ang lunsay nga pagtuo bahin sa Dios, bahin sa iyahang pagkahingpit ug pagkahimaya. Ikaw amuang gi abi-abi nga ton-an ug sutahon ang Islam. Kini ang Relihiyon ug ang minsahi nga gi tudlo’ sa mga Propheta. Ang buot pasabot sa Islam ‘pag Surindirar sa kagustohan sa Dios, kini ang pamaagi sa pagkinabuhi nga nanawagan sa tawo nga hatagan ug bili ang iyahang pakigkutay tali sa Dios ug saiyahang mga Binuhat. Ang Islam nag tudlo nga ang Dios makataronganun ug maloloy-on, nga dili niya Isakripisyo ang iyahang kaugalingon para mapasaylo ang mga kasal-anan. Wala usab nag tudlo ang Islam nga ang ‘batang gipanganak maka sasala. Ang Dios mo silot basi sa binuhatan sa tagsa-tagsa, ug sila manubag subay sa ilahang mga binuhatan.

Ang Islam nag tudlo nga higugmaon ang tanang mga Propheta, piru wala nag pasabot nga sila pagasimbahon o ampuan, kay ang pag simba igahalad lamang sa tinuod nga diyos. Ang pagdawat ni Hesus isip Propheta sa Dios arun sapag Hingpit sa pagka Muslim wala nag pasabot nga ma bag-o ang pagka Kristiyano sa isa ka tawo. Kini isa lamang kapag balik sa lunsay ug tinuod nga katudloan ni Propheta Hesus.

Para sa karagdangang kaalaman ay makigpag-ugnayan lamang sa amin:

LUZON	VISAYAS	MINDANAO
Abdulqader Bongcales +63 969 124 6035	Abdul Razhid Favre +63 915 902 4893	Abdulmalik Avenido +63 967 012 5144
Darwin Andaya +63 927 041 7590	Yusuf Ontz +63 908 599 0832	Adela M. Doble +63 967 012 5144
Haron Caparilio +63 951 327 6151	Rashid Indanson +63 933 853 6030	Jamael Cochano +63 939 413 7268
	Abu Zainah +63 928 357 7472	Ayeh Carreon +63 927 386 7363
		Xholid Aamad +63 997 451 8020
		Rashed Nanfiza +63 956 162 9161
		Oliver S. Jandayan +63 906 882 4060
		Abdullah Boet +63 916 119 5602
		Ebrahim Datumanong +63 905 927 3347
		Abduhakim Omalay +63 910 107 1895
		Immael Espafiol +63 919 422 1072



SI HESUS

Isa ka propheta sa Dios

Gihubad sa Binisaya ni Ustadh:

Ronald “Muhammad Abubakar” A. Filosofo
Nakahuman sa Almaarif Educational Center Baguio City Batch 21

Ug gi tama kini ni Sheikh:

Joraizd Abdul Aziz L. Esnain
Graduate of Islamic Law Shariah
Al-Imam Mohammad Bin Saud Islamic University Riyadh Ksa

Ug Ustadh:

Ahmad C. Tarusan
Graduate of Islamic Law Shariah
Jamiatul Muslim Mindanao Matampay Marawi City

Ug Brother:

Abdul Kareem Dofredo

Email: ronaldfilosofo00@gmail.com/
Facebook: Muhammad Abubakar Filosofo/
Cellphone #: 09267914143 TM/09517220955 TNT

Ustadh Ebrahim Datumanong
MUSLIM PROPAGATOR